

TLHAGISO GO BAJI -BAREKI

16th August 2022

TSIETSO MO THEKISONG YA DIKOLOI TSE DI DIRISITSWENG

Lekalana la Tshireletso ya Baji-bareki, Competition & Consumer Authority, (CCA) le tshwentswe ke dingongorego tse di goelang pele tsa baji-bareki mabapi le tsietso e e dirwang ke dikgwebo dingwe tsa bonweenwee mo thekising ya dikoloi tse di dirisitsweng. Tsietso e e diragala thata mo kgaolong ya Mogoditshane.

- CCA e lemogile gore bontsi ja dikgwebo tseo tse di tsietsang baji-bareki ga di na ditseletso tsa kgwebo ka fa melaong ya lefatshe la Botswana;
- Manweenwee ao a tseela baji-bareki madi ka tsholofetso ya gore ba tlaa ba rekisetsa dikoloi tseo ka nako e e dumalanweng;
- Baji-bareki ba felela ba sa neelwa dikoloi tseo, kana fa ba di neelwa di a bo di senyegile di se mo seemong sa go ka rekisiwa;
- Mo tsietsong eo, baji-bareki ba bo ba duetse madi a peeletso, kana ba ntshitse madi otlhe a go reka dikoloi tsa go nna jalo;
- Fa CCA e dira ditlhotlhomiso, ga e kgone go bona manweenwee ao, ka gore ga a na ditseletso tsa kgwebo le kwa ba direlang teng tota go seyo.
- Baji-bareki ka jalo ba tswelletse ka go jewa ntsoma, ba latlhegelwa ke madi-madi.

Lekalana la CCA ka jalo, le tlhagisa sechaba ka manweenwee ao, mme baji-bareki ba kopiwa go tsaya dikgato tse di latelang go itshireletsa:

- Ka metlha yotlhe kopa go bona setlankana sa tseletso ya kgwebo pele ga o dira dithulaganyo tsa go reka koloi;
- Ka metlha yotlhe kopa mekwalo e e supang gore koloi ya go nna jalo e teng, jaaka ditlankana tsa gore e kwadisitswe ke ba Lekalana la Mesepele;
- O seka wa tsamaya o tshwere madi a mantsintsi go ya go reka koloi ka one;
- Fa o duela koloi ya go nna jalo, dirisa dibanka go romela madi (bank transfers).

CCA e gakolola sechaba ka kakaretso le baji-bareki gore go tsaya dikgato tse go itshireletsa, go ka fokotsa tsietso e e dirwang ke manweenwee a a rekisang dikoloi tse di dirisitsweng.

Fa o batla go itse go feta fa o ka itshwaraganya le ba CCA jaana:

Bua le Lawrence Mothibi - mogala ke +267 3934278 | WhatsApp +267 73 616 584 kana +73 616 582 | Email: Info@competitionauthority.co.bw | Facebook: Competition and Consumer Authority-Botswana | Twitter: @CCA Botswana | Diofisi: Plot 28 Matsitama Road, Main Mall, Gaborone | Poso: Private Bag 00101, Gaborone



Tebelelo. Pule
CHIEF EXECUTIVE OFFICER

Competition & Consumer Authority

Plot 28, Matsitama Road, Main Mall, Gaborone

Private Bag 00101, Gaborone, Botswana

T: +267 393 4278 | F: +267 312 1013